

आकाशवाणी
खबरां प्रोमिला जम्वाल कोला

Evening Dogri (NSD) News Bulletin 29-August.- 2026

खास-खास खबरां

- प्रधानमंत्री नरेन्द्र मोदी उज़्बेकिस्तान ते किर्गिज़ गणराज्य दी चंऊ दिनें दी यात्रा पर रवाना- आखेआ इस यात्रा कन्नै मध्य एशिया कन्नै रणनीतिक सांझ भ्याली तगड़ी होग ते सभ्यता दे आधार पर जुड़ाव और गैहरा होगा।
- नेपाल च विनाशकारी हाडै च मरने आलें दी गिनतरी 626 तोड़ी जाई पुज्जी ऐ। दो ज्हार थमां मते लोक अजें बी लापता- भारत नै मनुक्खी बिनाह पर सहायता होर बधाई दिती ऐ।
- अमरीका दे राष्ट्रपति डोनाल्ड ट्रम्प होरें वेनेजुएला कन्नै हूने तकर दा सब्भनें शा बड्डे तेल समझौते दी घोषणा कीती।
- ईरान दे राष्ट्रपति मसूद पेजेशकियन होरें आखेआ-ईरान- अमरीका कन्नै गल्लबात लेई तैयार पर बड़ा मता सोहगा ते सतर्क बी ऐ।
- अज्ज “राष्ट्रीय खेड्डू दिवस” ऐ। प्रधानमंत्री नरेन्द्र मोदी होरें मेजर ध्यान चंद होरेंगी श्रद्धांजली अर्पित कीती ते खडारियें दे समर्पण गी सराहेया।
- ओडीशा च अगले दंऊ-त्रंऊ दिनें लेई मोहलेधार बरखा पौने दी संभावना करी ऑरेज अलर्ट जारी।

<><><><><><>

PM –Ujbekestan

प्रधानमंत्री नरेन्द्र मोदी अज्ज उज़्बेकिस्तान दे दंऊ दिन दे दौरे लेई रवाना होई गे न। उज़्बेकिस्तान दे राष्ट्रपति- शवकत मिर्जियोयेव हुंदे सादे पर प्रधानमंत्री ताशकन्त जाडन। इस दौरान दोए लीडर- दबकख्या महत्व आहले पूरे-पराते मामलें पर गल्ल-कत्थ करडन। श्री मोदी होरें रवाना होने शा पैहले आखेआ जे उन्दी उज़्बेकिस्तान ते किर्गिज़ गणराज्य दी यात्रा कन्नै मध्य एशिया च भारत दीयां रणनीतिक सांझ-भ्यालियां मजबूत होगन ते इस इलाके कन्नै सभ्यता दे आधार पर जुडाव होर मजबूत होग। उंनं आखेआ पिच्छले किश बरे च भारत-उज़्बेकिस्तान सामरिक भ्याली नै महत्वै आहली पेश रफ्त दिक्खी ऐ। प्रधानमंत्री होरें आखेआ जे ओ उज़्बेकिस्तान दे राष्ट्रपति हुंदे कन्नै होने आहली गल्लै- कत्थें गी निहाला रदे न ते उंनं मेद बुज्झी जे एहदे नै बन्ज बपार- पूंजीनिवेश- डिजिटल संचार- रक्षा- ऊर्जा ते विकसित भारत ते यांगी उज्बेकिस्तान दी सांझी सोच बी अगै बधोग। श्री मोदी होरें आखेआ जे ओ ताशकन्त विश्व विद्यालय च शास्त्री मैमोरियल ते महात्मा गांधी केन्द्र दा बी दौरा लाडन जेड़ा के दौनें मुखें दे लोकें दे आपें-चे दे नेडमें सांस्कृतिक रिश्ते गी श्रद्धांजलि स्वरुप होगा।

<><><><><><>

PM- 2nd Leg

दंऊ देसें दी अपने दौरे दे दुए चरण च प्रधानमंत्री मोदी किरगिज़ गणराज्य जाडन। रवाना होंदे होई श्री मोदी होरें दस्सेआ जे ओ किरगिज़ गणराज्य दे राष्ट्रपति सादेर ज़ापरोव हुंदे सादे पर उत्थे जा'रदे न। प्रधानमंत्री 26में SCO शिखर सम्मेलन च हिस्सा लैने गी Bishkek जाडन।

<><><><><><>

Nepal –Death

नेपाल च विनाशकारी हाडै करी मरोने आहलें दी गिनतरी 626 होई गई ऐ- जिसले के 2 ज्हार थमां मते लोक अजें बी लापता न। प्रभावित इलाके च राहत ते बचाव अभियान जारी ऐ। तोआई भारत नै

हाइ प्रभावित नेपाल गी मानवता दी बिनाह पर सहायता तेज़ करी दिती ऐ। मानवीय सहायता समग्री कन्नै त्रिया ज्हाज कल संजा कांठमांडू पुज्जा।

विदेश मंत्रालय नै दस्सेआ जे 320एं भारती नागरिकें कन्नै अजे तक्कर सम्पर्क नेंई होए सकेआ ऐ। मरोने आहले 626एं लोकें दियां 233 लोथां चितवन थमां- 158 नवलपरासी पूरब थमां- गोरखा थमां 48- नवलपरासी पच्छिम थमां 47- धर्दिंग थमां 45- नूवाकोट थमां 41- तुनहन थमां 31 ते रासूवा थमां 13 लोथां बरामद कीतियां गेइयां न।

<><><><><><>

Nepal Flood

नेपाली प्रशासन नै दक्खनी चितवन जिले थमां भोट कोशी दरेया च आए दे मारु हाडै थमां बरामद 229 नेहिएं लोथें गी सुपुर्दे-खाक करने दा फैसला कीता ऐ जिंदी अजें तकर शिनाखत नेंई कीती जाई सकी ऐ ते नां गे कुसै इंदे पर दावा कीता ऐ। एह फैसला लोथें दी माड़ी हालत गी दिक्खदे होई कीता गेआ ऐ कीजे एहदे नै संक्रमण दा खतरा बधी सकदा ऐ। राश्ट्रीय आपदा प्रबंधन प्राधिकरण मुजब बरामद कीती गेदियां 626 लोथां स्थानीय अस्पतालें च मुनासब जगह ते स्थूलतें दी कमी करी सड़ी-गली सकदियां न कीजे उनें'गी आरजी नेह प्रबंधें च रक्खेआ गेदा ऐ।

<><><><><><>

Nepal Prez -Flood

नेपाल दे राश्ट्रपति रामचन्द्र पौडेल होरें भारती राश्ट्रपति द्रौपदी मुर्मू हुंदा आभार प्रगट कीता ऐ जिस चाल्ली भारत सरकार नै नेपाल च आए दे मारु हाडै मगरा मदाद कीती ऐ। इस हाडै च सैंकड़ा बदे लोक मारे गे न ते बड़ी मती तबाही होई ऐ। पौडेल होरें इस हादसे च अपनियां जिंदा मोआने आहले भारतीयें दा बी बसोस प्रगट कीता।



US-Venjuela

अमरीका दे राश्ट्रपति डोनाल्ड ट्रम्प होरें वेनेजुएला कन्नै हूनै तकर दे सब्भनें शा बड्डे तेल समझौते दी घोषणा कीती ऐ।

वेनेजुएला कन्नै होए दे इस समझौते कन्नै अमरीका गी 65 अरब बैरल थमां मते कच्चे तेल दे भंडार पर कब्जा हासिल होई जाग। राश्ट्रपति ट्रम्प होरें आखेआ जे एह समझौता अमरीकी कर-दाताएं पर बिजन कुसै बोझ दे हासिल कीता गया ऐ ते एहदे नै अमरीका दे कुल तेल भंडार दूने शा बी मते होई जागंन।

अमरीकी प्रशासन दा दावा ऐ जे तेल आपूर्ति च इस बाढ़े कन्नै घरेलू गैसोलीन दिएं कीमतें च कमी औग ते वेनेजुएला दी अर्थबवस्था च आर्थिक सुधार होगा।



Iran –US

ईरान दे राश्ट्रपति मसूद पेजेशकियन होरें आखेआ ऐ जे तेहरान- अमरीका कन्नै गल्लबात लेई तेयार ऐ- पर अमरीका गी लेइयै बड़ा मता सोहगा बी ऐ। उ'नें आखेआ जेकर अमरीका समझौते दिएं शर्तें दी पालमा करदा ऐ तां ईरान बी अपने वायदे पूरे करोग। श्री पेजेशकियन होरें इक टी.वी साक्षात्कार च आखेआ जे राजनियक कोशिशें दा केन्द्र बिंदू जून महीने होए दे शांति समझौते गी फही लागू करना होई सकदा ऐ। उ'नें आखेआ जे समझौता लागू रौहने दौरान ईरान ने तकरीबन 9 करोड़ बैरल तेलै दा निर्यात कीता हा। पेजेशकियन हुंदा एह ब्यान उस बेल्लै आया ऐ जिसले ईरान- घरेलू सतह पर आर्थिक दबाऽ दा सामना करा'रदा ऐ। अमरीका ते ईरान ने 18 जून गी प्रांतै च लेबनान समेत- सब्भनें मोर्चे पर युद्ध समाप्ति दा समझौता कीता हा। एहदी समें-सीमा 17 अगस्त गी खत्म होई गेदी ऐ।

<><><><><><>

Kiran Rijju

संसदीय मामले के मंत्री किरण रिजजू इस महीने की 31 तारीख थमां पहली सितम्बर तोड़ी बेलग्रेड-Serbia च उच्ची सतह की इक यादगिरी मीटिंग गितै भारती डेलिगेशन की अगुआई करडन। मीटिंग दा विशेषार रौहग “गुट-निरपक्वता दा विरसा- अज्जै की दुनिया लेई शिक्षा”- विदेश मंत्रालय नै दस्सेआ जे एह मीटिंग गुट निरपक्व आंदोलन की पहली शिखर वार्ता की 65मीं जयंति के तौर पर आयोजित कीती गई ऐ।

<><><><><><>

Sitharaman -US

केन्द्रीय खजाना मंत्री निर्मला सीतारमण होंरें अज्ज शिकागो च भारत के व्यापक आधार के विकास-सुधारें की रफ्तार के लम्मी अवधि आहले पूंजीनिवेश के बध्द के मौके की उजागर कीता।

खजाना मंत्री होंरें अज्ज मन्त्रे के पूंजीनिवेशकें के अगुआ बपारियें कन्नै उच्ची सतह की बपारी गोलमेज कांफ्रेंस लाई।

<><><><><><>

Onion Express

केन्द्रीय भंडारण निगम ने इस मौसम की दूई प्याज एक्सप्रेस महाराष्ट्र के नासिक थमां तामिलनाडू के चेन्नेई लेई भेजी दिती ऐ। इक सोशल मीडिया पोस्ट च सी.डब्ल्यू.सी ने आखेआ ऐ जे इस पहलकदमी कन्नै आपूर्ति श्रृंखला मजबूत होग के सब्भनें बजारें च गंडे की समें सिर उपलब्धता यकीनी बनोग।

<><><><><><>

Jitendra – Vande Bharat

केंद्री राज्यमंत्री डाक्टर जितेंद्र सिंह होरें आखेआ ऐ जे जम्मू ते श्रीनगर बश्कार त्री वंदे भारत रेल गड्डी तौले गै शुरू कीती जाहगा। उ'नें इस रेल सेवा गी जम्मू-कश्मीर दे लोकें दे विकास आस्तै महत्वपूर्ण करार दित्ता ऐ। इक वीडियो स्नेह च डाक्टर सिंह होरें आखेआ जे रेल मंत्रालय ने उधमपुर स्टेशन पर एह रेल गड्डी रोकने गी मंजूरी देई दित्ती ऐ। मंत्री होरें रियासी च चनांऽ दरेया उप्पर दुनिया दा सबनें शा उच्चा रेल पुल बनाने गी इंजीनियरिंग दी इक बड्डी उपलब्धि दस्सेआ। उ'नें प्रधानमंत्री नरेंद्र मोदी ते रेल मंत्री हुं'दा धन्नवाद बी कीता। जितेंद्र सिंह होरें आखेआ जे रेल जात्तरा पर्यटकें आस्तै आकर्षण दा केंद्र ऐ कीजे बड्डी तादाद च यात्रु जम्मू थमां श्रीनगर दे रेल गड्डी दे सफर दे दरान मनभाने नजारें दा नंद ठोआंदे न।

<><><><><><>

Budgam –Katra Train

उत्तर रेलवे दे जम्मू डिवीजन नै अज्जै थमां बडगाम ते कटड़ा बश्कार रेल सेवा परतियै शुरू करी दित्ती ऐ। श्री माता वैष्णो देवी दे यात्रिएं ते श्रद्धालुएं गी ध्यानै च रखदे होई उत्तर रेलवे दे जम्मू डिवीजन नै एह बड्डी फैसला लैता ऐ। अज्ज बडगाम थमां रेल नम्बर 04688 बड्डुलै 7 बज्जियै 20एं मिन्टें पर कटड़ा लेई रवाना होई ते ओह दपैहरी इक बजे श्री माता वैष्णो देवी कटड़ा रेलवे स्टेशन पुज्जी। जम्मू रेल डिवीजन नै सोशल मीडिया पोस्ट राएं एह जानकारी दिंदे होई आखेआ जे एह रेलगड्डी अज्जै थमां अपने नियमित रुट पर चला करोग।

<><><><><><>

PM Mann ki Baat

प्रधानमंत्री नरेन्द्र मोदी होर कल ऐतावारें दिने 11 बजे आकाशवाणी पर अपने “मन की बात” कार्यक्रम राए देश-विदेश दे लोकें कन्नै विचार सांझे करगन। हर महीने दे खीरले ऐतवारें प्रसारत होने आहले इस कार्यक्रम दी एह 137मीं किश्त होग। कार्यक्रम दा प्रसारण आकाशवाणी ते दूरदर्शन दे समूलचे नैटवर्क- ए.आई.आर. न्यूज वेबसाईट ते न्यूज ऑन ए.आई.आर mobile app- सनें डी.डी न्यूज- प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी होग। आकाशवाणी जम्मू आसेया हिंदी प्रसारण दे बाद एहदा डोगरी भाशा च अनुवाद प्रसारित कीता जाहग।

<><><><><><>

National Sports Day

अज्ज भारत दे महान हॉकी खडारी मेजर ध्यानचंद हुंदी जयंति दे मौके पर “राष्ट्रीय खेडू दिवस” मनाया जा’रदा ऐ। साढ़े संवाददाता नै जानकारी दिती ऐ जे इस मौके पर मुख्य बरै च केई कार्यक्रमें दा आयोजन कीता गया ऐ।

<><><><><><>

VP/PM Sports Day

उपराश्ट्रपति सी.पी. राधा कृष्णन ते प्रधानमंत्री नरेन्द्र मोदी होरे मेजर ध्यानचंद होरेंगी श्रद्धांजलि अर्पित कीती ऐ। प्रधानमंत्री होरें सब्भनें खेडू प्रेमियें दे जुनून- पक्के निश्चे ते सम्पर्ण दी सराहना कीती।

<><><><><><>

Weather

मौसम विभाग नै ओडिशा च संघारें तकर मौहलेधार बरखा दा ऑरेंज अलर्ट जारी कीता ऐ। अगले 5एं दिनें तकर राज्य च बरखा ते तूफान जारी रौहने दी संभावना ऐ।

तोंआई बिहार- पच्छिम बंगाल दे गांगेय इलाके झारखंड- मध्य प्रदेश- छत्तीसगढ़ ते उत्तर पूर्वी राज्यें दे किश हिस्सें च बी अगले दंऊ-त्रंऊ दिनें तकर तेज़ बरखा पेई सकदी ऐ।

<><><><><><>

NTA-Answer Key CSIR-UGC

राश्ट्रीय जांच एजेंसी NIA नै सांझा CSIR-UGC NET इस्तेहानें दे सब्भनें 5एं मज़मूने दी मुकदी Answer Key जारी कीती। जेड़े मेदवारें एह इस्तेहान दिते दे ऐ ओ अपने विशे कन्नै सरबंधित Answer Key दिक्खी सकदे न।

<><><><><><>

Chatroo Case

किशतवाड़ जिले दे छात्तरू इलाके च इक नाबालिग कुड़ी दी हत्तेआ दे मामले च जारी जांच दे चलदे पुलसै इक होर व्यक्ति गी गिरफ्तार कीता ऐ जेह्दे करी इस मामले च हिरासत च लैते गेदे व्यक्तिएं दी गिनतरी बधियै 6 होई गेई ऐ। पुलसै इस मामले च जिला अस्पताल किशतवाड़ च बतौर नर्स अपनी सेवा देआ करदी सोनिया परिहार गी गिरफ्तार कीता ऐ। इस मामले दी जांच किशतवाड़ दे एस.एस.पी हुं'दी अगुवाई च खडेरी गेदी इक बशेश जांच टीम आसेआ कीती जा'रदी ऐ। पुलसै आखेआ ऐ जे जांच दरान यौन उत्पीड़न, गर्भ अवस्था ते होर बी दुए आरोप सामने आए न ते इ'नें मामलें च केई सारे व्यक्ति दी शमूलियत दस्सी जा'रदी ऐ। आरोपिएं च कुड़ी दे डाक्टरी इलाज कन्नै जुड़े दे लोक बी शामिल न। बशेश जांच टीम दा आखना ऐ जे जांच बरोबर जारी ऐ ते सबूतें दी बिनाहू उप्पर गै अगो दी कार्रवाई गी अंजाम दित्ता जाह्ग।

<><><><><><>